

E P I S C O P A T V V M I N C E R T Æ
P R O V I N C I Æ , N E C N O N Q V O R V N D A M
certæ in hoc opere omistorum, Series.

S Tellas cæli enumerare si pro impossibili habetur, multo magis sedes Episcopales uniuersi orbis Ecclesiastici, quippe quæ longe plures numero. Idcirco si has recensendo nonnullas omiserimus, ne exprobres, Lector Beneuole; nec etiam mireris, & quemadmodum ex stellis aliqua nebuloſa, & oculis huc vsque inuisa, sic inter sedes Episcopales quarundam situs ignoretur. Immo quod eruditioni tuæ addicti, orbe uniuerso iterum perlustrato, utraſque hoc ordine alphabetico digestas tibi referamus, gratias age, & Vale.

A

A CRABATENSIS *Pegasus* Episcopus in Concil. Nicæno ex Syria dicitur; forte ab Acraba vrbe Mesopotamiæ Syriæ vicinæ, de qua Ptol. lib. 5. cap. 19.

ADENSIS vel Abdianensis *Neusflata* habetur in Concil. Toletano 3. & in Concil. Hispalensi 1.

ADRASSI Episcopus *Paulus* in Concil. Constantinop. generali 5. legitur, ab Adraſſo Iſauriæ vrbe, cuius in Not. antiqua memoria est.

ÆMORVM Metropolis Rhodopiæ Antistes *Paulus* legitur in Collatione 8. Synodi 5. Constantinop. pro Anorum, vt reor, in Rhodope.

AGDAMIÆ Phrygiæ Episcopum *Opimum* nominat Socrates historiæ Ecclesiasticæ lib. 7. cap. 35.

Ab AGGIVA *Quintus* in Concil. Carthag. sub D. Cypriano legitur, forte ab Augina siue Auggiua Antonino Africa propriæ vrbe.

AMPHIPOLITANVS Episcopus *Alexander* Concil. Constantinop. generali 5. subscripsit; an ab Amphipoli Syriæ vrbe ad Euphratem Stephano, vel ab alia Macedoniæ Ptolem. lib. 3. cap. 13. incertum est.

Ab ANAPOLI *Narcissus* Præsul in Conciliab. Sardicensi legitur.

ANDROSIORVM Episcopus *Aquila* est in Concilio Chalcedonensi; ab Androsia vt arbitror Galatiæ vrbe apud Ptolem. lib. 5. cap. 4.

ANTRI *Arrianus* Præsul dicitur apud Socrat. lib. 3. cap. 21. an ab Antro Theſſaliæ vrbe Stephano, vel Antro Samothraciæ Insulæ Ouidio trist. lib. 1. tu videris.

ANENYSIORVM *Theodorus* Episcopus Concil. Ephesino subscripsit: forsan ab Anæa vrbe Asiæ de qua in illa Prouincia.

ANTHYSÆ siue Antiquæ ciuitatis Episcopus *Eusebius* est in Conc. Constantinop. sub Agapeto & Menna: an ab Antissa Læſbi Insulæ vrbe Ptolem. lib.